

# مُنْيَةُ الْمُصَلِّي

## MUNYATUL MUSOLLI (Cita-Cita Orang Yang Bersembahyang)

### 27 HUKUM MENINGGALKAN SEMBAHYANG

Maka adalah ia daripada yang terlebih diengkar daripada segala yang mungkar dan terlebih akbar daripada **kaba'ir** (كَبَائِر - dosa besar) dan terlebih **afhasy** (أَفْحَش - keji) daripada segala **muharramat** (مَحْرَمَات - yang diharamkan). Dan telah datang hadits daripada Rasulullah ﷺ dengan mengukurkan orang meninggalkan sembahyang. Sabda Nabi ﷺ:

الْعَهْدُ الَّذِي بَيْنَنَا وَبَيْنَهُمُ الصَّلَاةُ فَمَنْ تَرَكَهَا فَقَدْ كَفَرَ.

“Bermula janji yang antara kami dan antara mereka itu sembahyang, maka barangsiapa meninggalkan dia maka sanya telah kufur ia.”

Dan lagi sabda Nabi ﷺ:

مَنْ تَرَكَ الصَّلَاةَ مُتَعَمِّدًا فَقَدْ كَفَرَ جَهَارًا.

“Barangsiapa meninggalkan sembahyang dengan sengajanya, maka sanya telah kufur hal keadaannya nyata.”

Pada hadits yang lain:

مَنْ تَرَكَ الصَّلَاةَ فَقَدْ بَرِئَ مِنْهُ ذِمَّةُ اللَّهِ وَذِمَّةُ رَسُولِهِ ﷺ.

“Barangsiapa meninggalkan sembahyang, maka sesungguhnya telah lepaslah ia daripadanya janji Allah ﷻ dan RasulNya.”

Dan lagi sabda Nabi ﷺ:

مَنْ حَافِظَ عَلَى الصَّلَاةِ كَانَتْ لَهُ نُورًا وَبُرْهَانًا وَنَجَاةٌ يَوْمَ الْقِيَامَةِ.

“Barangsiapa memelihara atas sembahyang, adalah ia baginya nur dan burhan yakni penunjuk dan kelepasan pada hari kiamat.”

وَمَنْ لَمْ يُحَافِظْ عَلَيْهَا لَمْ تَكُنْ لَهُ نُورًا وَلَا بُرْهَانًا وَلَا نَجَاةً، وَكَانَ يَوْمَ الْقِيَامَةِ مَعَ فِرْعَوْنَ وَقَارُونَ وَهَامَانَ وَأُبَيِّ بْنِ خَلْفٍ.

“Dan barangsiapa tiada memelihara atasnya, tiada ada nurnya dan burhan dan kelepasan dan adalah pada hari kiamat serta Fir’aun dan Qarun dan Haman dan Ubai anak Khalaf.”

Maka sesungguhnya telah dinaskan daripada beberapa hadits Rasulullah ﷺ dengan kufur yang meninggalkan sembahyang. Dan demikian lagi, datang daripada beberapa sahabat dan salaf yang soleh-soleh hingga berkata setengah mereka itu:

“Tiada ku dengar sahabat berkata mereka itu pada suatu daripada segala amal jika meninggalkan dia jadi kafir, melainkan sembahyang.”

Maka takut olehmu kemudian maka takut pada meninggalkan sembahyang, atau meninggalkan sesuatu daripadanya. Maka bahawasanya jika tiada engkau perbuat seperti yang demikian itu, maka sesungguhnya binasalah engkau setengah daripada orang yang binasa, dan rugilah engkau dunia dan akhirat. Maka yang demikian itu ialah orang yang kerugian yang amat nyata.

Dan demikian lagi, wajib atas kita bahawa kita keraskan atas ahli dan anak kita dan orang yang di bawah hukum kita mendirikan sembahyang, dan jangan kita tinggalkan bagi mereka itu uzur daripada meninggalkan dia. Dan orang yang tiada mendengar dan mengikut maka hendaklah kita takutkan dan kita marahkan atas mereka itu sangat-sangat marah, dan sangat kita kuatkan mereka itu dan bencikan seperti kita marahkan mereka itu jika ia membinasakan harta kita. Dan lebih lagi pula kita engkar mereka itu kerana Allah ﷻ.

Maka jika tiada kita kerjakan yang demikian itu, maka adalah kita jumlah daripada orang yang memudahkan agama dan memudahkan tuntutan Allah ﷻ dan suruhNya. Dan barangsiapa yang tiada menerima akan suruhnya dan tiada memberi bekas suruhnya, maka seksa akan dia. Dan jika tiada memberi faedah barang yang kita takut akan dia, maka hendaklah kita suruh jauh daripada kita dan halau akan dia daripada kita, maka bahawasanya ia syaitan tiada kebajikan daripadanya, dan tiada berkat beserta kita dengan mereka itu, dan haramlah kita berkasih dan sekedudukan serta mereka itu. Maka wajib kita berseteru akan dia memutuskan daripada berkenal-kenalan dengan dia kerana ia melawan akan hukum Allah dan RasulNya seperti firman Allah ﷻ:

Hingga akhir ayat.

لَا تَجِدُ قَوْمًا يُؤْمِنُونَ بِاللَّهِ وَالْيَوْمِ الْآخِرِ يُوَادُّونَ مَنْ حَادَّ اللَّهَ وَرَسُولَهُ وَلَوْ كَانُوا آبَاءَهُمْ  
أَوْ أَبْنَاءَهُمْ أَوْ إِخْوَانَهُمْ أَوْ عَشِيرَتَهُمْ أُولَئِكَ كَتَبَ فِي قُلُوبِهِمُ الْإِيمَانَ وَأَيَّدَهُم بِرُوحٍ مِّنْهُ  
وَيُدْخِلُهُمْ جَنَّاتٍ تَجْرَى مِنْ تَحْتِهَا الْأَنْهَارُ خَالِدِينَ فِيهَا رَضِيَ اللَّهُ عَنْهُمْ وَرَضُوا عَنْهُ أُولَئِكَ  
حِزْبُ اللَّهِ أَلَا إِنَّ حِزْبَ اللَّهِ هُمُ الْمُفْلِحُونَ ﴿١٢٨﴾

**“Tiada engkau dapat akan kaum yang percaya mereka itu dengan Allah, dan percaya mereka itu akan hari yang kemudian berkasih-kasih mereka itu akan orang yang menyalahi akan Allah ﷻ dan RasulNya, dan jikalau adalah mereka itu bapa-bapa mereka itu dan anak-anak mereka itu, atau saudara-saudara mereka, ataupun keluarga mereka. mereka (yang setia) itu, Allah telah menetapkan iman dalam hati mereka, dan telah menguatkan mereka dengan semangat pertolongan daripadanya; dan Dia akan memasukkan mereka ke dalam syurga yang mengalir di bawahnya beberapa sungai, mereka tetap kekal di dalamnya. Allah redha akan mereka dan mereka redha (serta bersyukur) akan nikmat pemberianNya. merekalah penyokong-penyokong (agama) Allah. Ketahuilah! Sesungguhnya penyokong-penyokong (agama) Allah itu ialah orang-orang yang berjaya.”**

Maka menafikan iman daripada orang yang berkasih dengan orang yang menyalahi bagi Allah dan bagi RasulNya, jikalau mereka itu orang yang terlebih hampir daripada segala keluarganya. Dan sehingga barang yang dimaafkan bagi orang yang awam, yang lalai, yang tenggelam di dalam lalainya, manakala luput akan dia sembahyang, hendaklah diqadhakan bersegera, kemudian taubat ia daripada kembali kepada umpama yang demikian itu. Adapun yang mensia-siakan dia, maka tiada jalan sekali. Maka betapa dan jikalau ada ia keluaran sembahyang daripada waktu yang lain daripada ketidurannya, dosa yang amat besarnya, dan ada ia bersegera menqadha akan dia sekalipun. Dan tiada uzurkan membimbangkan dengan dunia dan lainnya daripada sembahyang melainkan kerana ketiduran atau lupa jua, maka hanyalah.

Dan wajib atas orang yang memerintah pekerjaan Muslimin bahawa menyuruh dan menanggungkan akan segala umat yang umum atas mengerjakan sembahyang yang lima waktu, dan jama'ah, dan Juma'at, dan demikian jua.

Dan wajib pula atas mereka itu bahawa diseksa akan mereka itu, akan orang yang mengeluarkan sembahyang daripada waktunya sebab segan, bukan engkar, disuruh taubat dan sembahyang. Jikalau tiada mengikut, dibunuhnya akan dia atau diperangnya atau lainnya hingga mereka itu mengerjakan dia.

Dan haram lagi berdosa apabila diam olehmu orang yang memerintahkan pekerjaan umat daripada orang yang besar-besar seperti raja jika mengetahui akan mereka itu, tiada mengerjakan yang tersebut itu.

Dan tiada dimudahkan atasnya daripada melalaikan pekerjaan umat ini, dan demikian lagi pada segala pekerjaan agama mereka itu; daripada zakat dan puasa dan lainnya seperti sembahyang jua.